



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Litteræ Ad Dominvm Papam missæ per Petrum Bermundi dominum de Andusia.

urn:nbn:de:hbz:466:1-20020

deferre velimus, quod Deus conjunxit humana sustineremus præsumptione sejungi. Ideoque fraternitati vestra per apostolica scripta mandamus quatenus si Rex ipse nostrum super hoc, quod non credimus, neglexerit adimplere mandatum, vos ipsum ad id per censuram ecclesiasticam fublato appellationis obftaculo compellatis. Quod si non omnes &c. duo vestrū &c. Vos denique, fratres Episcopi, super vobis ipsis &c. Datum ut suprā.

LITTERÆ AD DOMINVM
Papam missæ per Petrum Bermundi
dominum de Andufia.

Epiſt. 111.
De negotio Co-
mitis Tololai-
ni.

Sanctissimo in Christo Patti & Domino suo specialissimo Innocentio Dei gratia summo Pontifici Petrus Bermundi filius Bernardi de Andufia, Dominus de Salve, obedientissimus & devotissimus Miles ejus, salutem & omnimodæ devotionis affectum. Cum nos & progenitores nostri homines speciales simus sancta Ecclesia Romanæ, terraque nostram pro majori parte teneamus ab ipsa, certum centum debentes, & semper fuerimus obedientes & devoti eidem, firmiter credimus & speramus, omni scrupulo dubitationis amoto, quod sanctitas vestra velit omnia iura nostra servare illæsa. Noverit igitur paternitas vestra, Pater sanctissime, quod nos in uxorem habemus quandam filiam Comitis Tolosani, præter quam idem Comes legitimam prolem non habet. Unde terra dicti Comitis ad nos melius quam heredem alium de jure noscitur pertinere. Vestram itaque beatitudinem quanta possumus humilitate depositum quatenus Rainundum filium memoriati Comitis Tolosani ad preces vel potius ad fraudes alicuius supplicantis, immo supplicium Ecclesie postulantis pro ipso nullatenus institutatis heredem, si placet, nec eum, quod non sit, sicut legitimum habeatis. Nam durante matrimonio legitimo inter matrem uxoris nostræ ac sapientem Comitem ex superinducta sibi attingente in terro gradu eum ipse Comes suscepit; scientes quod non tantummodo jus nostrum periret in institutione illius, verum etiam illa eadem novella plantatio fidei orthodoxæ, que per Dei gratiam & vestram providam sollicitudinem sollicitanque providentiam necnon & devotionem fideliuum, qui ad vindicandum injuriam Christi de diversis mundi climatibus arma sumperunt in nostris partibus, videlicet provincia Narbonensi, pullulare incepit, suffocaretur penitus, & esset novissima prioribus longè pejora. Quicquid autem vestra sanctitas super iis duxerit statuendum, nos sumus semper parati vestrī & Ecclesiæ per omnia & in omnibus obtemperare mandatis. Præterea benignitatem vestram volumus non latere quod Christianissimum vitum Doninum Simonem Comitem Montisfortis, cum obtenuit gratiæ vestræ, cum sine intuitu probatis, & longa familiaritatis contractu cum ipso antequam ad partes nostras veniret, curavimus & curamus sincerè diligere ac honorare in omnibus & habere ut verum & carum amicum. Datum Andufia in vigilia beati Thomæ.

VERCEZLENSI EPISCOPO
apostolicæ sedis Legato, & Archidiacoно
Pergamenſi.

COram dilecto filio nostro Angelo sancti Adriani Diacono Cardinale, quem magistro B. procuratori Praepositi & quorundam Canonorum plebis de Bispio & Sal, clero concessimus auditorem, idem proposuit procurator quod cum idem Sal. litteras quasdam sub nomine nostro confectas tam ipsis quam quibusdam executoribus pro allequendo ejusdem Ecclesiæ beneficio presentasset, idem Praepositus & Canonici litteras ipsis habentes de falsitate suspectas, eas ad nos per proprium nuntium destinarunt: quarum fidelitate comperta, dilectis filiis Archiprebytero de Nembro & conjudici suo dedimus in mandatis ut tam imperatrorem quam eum qui fuerat usus eis punirent secundum constitutionis tenorem quam edidimus ad falsariorum malitiam confutandam; qui mandatum nostrum fideliter exequentes, dictum S. ab officio & beneficio perpervi privaverunt. Propter quod idem apostolicam sedem appellans, non expectato termino qui fuerat ad prosequendam appellationem praefixus, ad Abbatem sancti Celsi & ejus conjudicem nostras litteras impetravit: qui ejusdem Praepositi legitimis exceptionibus non admisis, dictorum judicium sententiam post appellationem ad nos legitimè interpositam infirmarunt. Postmodum vero Archiprebytero Pergamenſi & ejus conjudicibus dedimus in mandatis ut nonobstantibus litteris ad Abbatem sancti Celsi & ejus conjudicem per S. memoratum obtentis, prefatam Archiprebyteri de Nembro & conjudicis sententiam confirmare vel infirmare curarent, sicut de jure cognoscerent faciendum. Qui causa meritis plenis intellectis, eandem sententiam confirmarunt, à quorum processu idem S. vel non appellavit omnino, vel appellationem suam non fuit infra tempus legitimum prosecutus. Demum bona memoria Gerardus Albanensis electus apostolicæ sedis Legatus, ad causas presentiam partes acceſſerant, terminum praefixit eisdem, quo cum cœla sufficienter instruta nostro se conspectu presentarent. Sed nuntio Praepositi ab Ecclesiæ hostibus in itinere præpedito, dictus S. ad Cancellarium Mediolanensem & ejus conjudices litteras reportavit, qui pro coinquiam post appellationem ad nos legitimè interpositam sententiam protulerunt.